

Daržēlie

Aš nesliepsio – daržēlie smagē,
Tēn tēik nuostabiū draugū.
Kēik knīgučiū i žaislū,
Šuokiu, mozēkas, dainū.

Tēn gīven i Buratins,
Nieka sau – šaunos vaikēns!
Tēn Pelenē ir Coliokē,
I pasveikus lielē Onutē.

I nebluogs viel vaizdielis –
Trīs paršēlē pri truobelēs!
Bet svarbiausē mon Rudnuosis –
Uns tēp žiaurē varģšos kuos.

Šēlta, raina liemenītē,
Vakar numezgē mamītē,
Kol atvīksēt daktarā,
Bus liemenē, kāp vaistā.

Dousio dā i pertusina
Uns skanos – net vāks žēna,
Dar aprēšio ir gerklītē,
I pasopsio – kāp mamītē.

Dar turiesio sutvarkītē lēlītē,
Pamaitintē išalkosē „merģītē“
Dar nupieštē Mēkē Pukuotoka
I vaišinga gerouji triošioka.

Pu mēigelē atsikielē,
Da pažaisem valondelē,
I dēinelēs jau nebie –
„No, mažuli, i nomus einau“.